

التفاحة الحمراء قصة مترجمة بالعامية المصرية

حبايبي الحلوين

كان يا مكان في يوم من الأيام مشي راجل عجوز لابس بدلة مخططة
عدي جنب دكان بيبيع الفواكه الجميلة اللذيذة. بص، وشاف وقال: يآه فيه تفاح شكله
حلو اوي.

فدخل وقال للبائع: لو سمحت عايز أشتري تفاحة خضرا من التفاح الحلو اللي عندك ده.
فلما شافه البائع قال لنفسه: ده شكله راجل عجوز وطيب هاضك عليه وأبيعله
تفاحة بلاستيك خضرا.

قاله البائع: دي تفاحة جميلة ومسكته بس محتاج تسبها شويه في الشمس عشان
تستوي وتحلو.

صدقه واشتراها الراجل العجوز اللي لابس بدلة مخططة.

ضحك البائع في نفسه وقال: ضحكت علي الراجل العجوز.

وخرج البائع للجنينة بتاعته اللي كانت مش حلوة وصغيرة ومبهدله.

كان عنده حاجة واحدة بس بيهتم بيها في جنينته شجرة عليها تفاحة كبيرة حمراء وهو
عايز يكسب بالتفاحة دي الجائزة الأولى في معرض الفاكهة.

الراجل العجوز مشي لبيتته، وهو ماسك التفاحة الخضرا البلاستيك في ايده ولما وصل
البيت حط التفاحة على الشباك عشان تتعرض للشمس وتكبر وتحلو زي البائع ما قال.

ويقول لنفسه: اللي يصبر ينول، وقعد على مكتبه مشغول بيرسم في الرسم بتاعته،
ملاحظش ان البغبغان بتاعه خبط التفاحة اللي على الشباك، فوقعت على راس الجدة
اللي كانت قاعدة في الساحة في الشارع، ولما زعقت الجدة بصوت عالي، خافت القطة
وطلعت تجري فوق على الشجرة.

في الوقت ده كان فيه ولد اسمه حمادة ماشي في الشارع، ففكرت الجدة إن حمادة
اللي خبطها بالتفاحة على رأسها.

حمادة زعل إن حد يزعل له على حاجة معملهاش، فروح بيته بجري وهو بيعيط في الطريق.

وحماده بيعدي الشارع وهو بيعيط وزعلان ومبمش يمين ولا شمال.
يا خبر كان مدير المدرسة ماشي بعربيته الجديدة في نفس اللحظة، داس بسرعة الفرامل عشان مايخبطش حمادة ولف العربية فاتخط في سور الجنية بتاعة بيع الفاكهة المكار. اتعصب صاحب الجنية بيع الفاكهة عشان سور جنينته اتكسر، واتعصب مدير المدرسة لأن عربيته من قدام اتبهدت وهي كمان الجديدة، وماكنش حد فيهم واخذ باله إن فيه ولد اسمه علي بيسوق العجلة بتاعته وراجع من المدرسة فشاف علي التفاحة الجميلة الحمرا اللي على الشجرة بتاعة بيع الفاكهة المكار وقال: الله التفاحة الجميلة دي انا هاخدها، واديها هديه للمدرسة بتاعتي، ولما وصل علي الفصل حطها قدام المدرسة بس هي مخدتش بالها؛ لأن هي كانت زعلانه عشان الأولاد اتأخروا علي الحصة، واتأخروا في القعدة علي كراسيهم.

أما الأولاد بقى فكانوا مشغولين ومقعدوش على الكراسي؛ لأنهم ببصوا علي شرطي من الشباك.

الشرطي سألهم حد منكم شاف الحرامي اللي حاطط نضارات على عيونه، ولا بس دقن علي وشه.

أوووه اووووه الحرامي كان مستخبي وراء الستارة في الفصل فأول اما بص الأولاد شافوه فجري عشان يهرب، وهو خارج خطف في ايده التفاحة الحمرا الجميلة من على مكتب المدرسة لكن قبل ما الحرامي يبعد كثير خبط في مدير المدرسة اللي مسكه جامد فوقعت من ايده التفاحة الحمرا.

كُمل الرجل العجوز اللي لابس بدلة مخططة مَشْيُه وفُسحته وهو بياكل التفاحة الجميلة.

أما البياح المكار قعد تحت الشجرة بتاعته في الجنينة بيحاول يفسر كل اللي حصل وازي تفاحته وصلت في إيد الرجل العجوز لكن الحقيقه مقدرش يلاقي تفسير، على كل حال محدش يتوقع منه إنه يلاقي جواب. وبكده خلصت الحدوته يارب تكون حلوة مش ملتوته .

القصة كتابة ينليف وهي من الأدب السويدي.

وترجمها للحكي: نرمين مجدي بدر